

სახელმწიფო შესყიდვების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება № სახელმწიფო შესყიდვის შესახებ ელექტრონული ტენდერი აუქციონის გარეშე (CPV-50112000) NAT

ერთი მხრივ, **სსიპ-საქართველოს ეროვნული არქივი**, შემდგომში წოდებული „შემსყიდველად“, წარმოდგენილი გენერალური დირექტორის თეონა იაშვილის სახით და მეორე მხრივ, შემდგომში წოდებული „მიმწოდებლად“, წარმოდგენილი დირექტორის სახით, ორივე ერთად წოდებული როგორც „მხარეები“ ვმოქმედებთ, რა საქართველოს კანონმდებლობის, მათ შორის, „სახელმწიფო შესყიდვების შესახებ“ საქართველოს კანონის, ამავე კანონის მე-16¹ მუხლის პირველი პუნქტის შესაბამისად, ვდებთ წინამდებარე ხელშეკრულებას:

1.გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. **ხელშეკრულება „სახელმწიფო შესყიდვის შესახებ“ (შემდგომში-„ხელშეკრულება“)**-შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები (გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს).
- 1.2. **„ხელშეკრულების ღირებულება“** - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ჯეროვანი შესრულებისათვის.
- 1.3. **„დღე“**, **„კვირა“**, **„თვე“** - კალენდარული დღე, კვირა, თვე.
- 1.4. **„შემსყიდველი“** - ორგანიზაცია, რომელიც ახორციელებს შესყიდვას.
- 1.5. **„მიმწოდებელი“** - პირი, რომელიც ახორციელებს მომსახურებას ამ ხელშეკრულების ფარგლებში.
- 1.6. **„მომსახურება“** - ხელშეკრულების მე-2 მუხლით გათვალისწინებული მომსახურება.
- 1.7. **„ინსპექტირება“** - ხელშეკრულების პირობების შესრულების კონტროლი და ზედამხედველობა.

2.ხელშეკრულების საგანი და შესყიდვის ობიექტი

- 2.1. **ხელშეკრულების საგანია:** სსიპ - საქართველოს ეროვნული არქივის ბალანსზე რიცხული ავტოსატრანსპორტო საშუალებების შეკეთებისა და ტექნიკური მომსახურების სახელმწიფო შესყიდვა (CPV – 50112000).
- 2.2. შესასყიდი ავტოტექნიკის მომსახურების ჩამონათვალი და ერთეულის ღირებულებები, ასევე, სათადარიგო ნაწილების და საცხებ-საპოხი მასალების ერთეული ღირებულებები მოცემულია მიმწოდებლის მიერ წარმოდგენილ პრეისკურანტში (**ხელშეკრულების დანართი №1**).
- 2.3. მომსახურების გაწევა იწარმოებს ყოველი კონკრეტული შემთხვევისათვის შედგენილი დეფექტური აქტის საფუძველზე, რომელშიც მითითებული იქნება გასაწევი მომსახურების/სათადარიგო ნაწილის სახეობა, რაოდენობა/მოცულობა, მომსახურების გაწევის/საქონლის მიწოდების კონკრეტული ვადები და ღირებულება.

3.ხელშეკრულების ღირებულება

3.1.ხელშეკრულების ღირებულება შეადგენს -

ლარს დღგ-ის ჩათვლით.

- 3.2. ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. შესასყიდი თითოეული დასახელების მომსახურების ერთეულის ღირებულება მოცემულია მიმწოდებლის მიერ წარმოდგენილ პრეისკურანტში და მოიცავს ამ მომსახურების ხარისხიანად გაწევისათვის საჭირო ყველა ხარჯს, მათ შორის სათადარიგო ნაწილების და საცხებ-საპოხი მასალების ღირებულებას და საქართველოს კანონმდებლობით გათვალისწინებულ გადასახადებს, დღგ-ს ჩათვლით.
- 3.4. პრეისკურანტში მომსახურების რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას, დგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში, პრეისკურანტში მომსახურების რომელიმე ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შემდეგ დაფიქსირებული პრეისკურანტის საბოლოო ჯამური ღირებულების 10%-ს.

4.მხარეთა ვალდებულებები:

4.1.მიმწოდებელი ვალდებულია:

ა) შემსყიდველის მოთხოვნიდან არაუგვიანეს მომდევნო სამუშაო დღისა, ჩაატაროს ავტოსატრანსპორტო საშუალების დათვალიერება, რის შემდეგაც მხარეები ადგენენ დეფექტურ აქტს, რომელშიც მითითებული უნდა იყოს გასაწევი მომსახურების ან/და სათადარიგო ნაწილის /ების დეტალური აღწერა, მათი ღირებულებები, როგორც ერთეულის, ასევე ჯამური ფასი.

ბ) მიმწოდებელმა ყოველ კონკრეტულ შემთხვევაში უნდა უზრუნველყოს მომსახურების გაწევა გონივრულ ვადაში სამუშაოს სირთულიდან გამომდინარე, მაგრამ დეფექტური აქტის შედგენიდან არაუგვიანეს 1 (ერთი) სამუშაო დღეში. თუ მომსახურება ეხება ძრავის კაპიტალურ რემონტს, ან დეფიციტური სათადარიგო ნაწილით უზრუნველყოფას, განახორციელოს მომსახურება დეფექტური აქტის შედგენიდან არაუგვიანეს 10 (ათი) კალენდარული დღის ვადაში.

გ) **ხელშეკრულებით გათვალისწინებული მომსახურების გაწევა განახორციელოს, ხელშეკრულების ძალაში შესვლის თარიღიდან 2023 წლის 31 დეკემბრის ჩათვლით.**

დ) მომსახურების გაწევა უზრუნველყოს: ქ. თბილისში, ავტოტექმომსახურების სერვისცენტრებში

ქ. ქუთაისში,

-მიმწოდებლის

ე) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე დაა დაუყოვნებლივ მოახდინოს რეაგირება.

ვ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ინსპექტირების განხორციელება.

ბ) მოახდინოს ანგარიშსწორება მიმწოდებელთან ხელშეკრულების პირობების შესაბამისად.

გ) განახორციელოს ამ ხელშეკრულებით მასზე დაკისრებული ვალდებულებები.

5. გაწეული მომსახურების გარანტია

5.1. წინამდებარე ხელშეკრულების საფუძველზე გაწეულ მომსახურებაზე და გამოცვლილ ნაწილებზე ვრცელდება -- გარანტია. გარანტია არ ვრცელდება გარეგანი ზემოქმედების შედეგად მიყენებულ ზიანზე.

5.2. საგარანტო პერიოდის განმავლობაში, ექსპლუატაციის ნორმების დაცვის პირობებში, დეფექტების გამოვლენის შემთხვევაში, მიმწოდებელი ვალდებულია, შეტყობინების მიღებიდან 2 (ორი) სამუშაო დღეში განახორციელოს წუნის აღმოფხვრა ავტომობილის შეკეთების ან/და მისი ნაწილის შეცვლის გზით, შემსყიდველის მხრიდან რაიმე დამატებითი დანახარჯების გაწევის გარეშე.

6. ინსპექტირება

6.1. შემსყიდველის მიერ ინსპექტირება განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად.

6.2. ინსპექტირებას განახორციელებს სსიპ - საქართველოს ეროვნული არქივის სამეურნეო სამსახურის უფროსი, ზურაბ ენაგელი ან/და ქუთაისის ცენტრალური არქივის დირექტორი, მერაბ კეზევაძე ან/და იმ დროისთვის მათი დროებითი მოვალეობის შემსრულებლები.

6.3. შემსყიდველის შესაბამისი წარმომადგენელი უფლებამოსილია ჩაატაროს ხარისხის კონტროლი და თუ აღმოჩნდება წუნდებული მომსახურება, მიმწოდებელი ვალდებულია წერილობითი შეტყობინებიდან 2 (ორი) დღეში გამოასწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული წუნდებული მომსახურების ღირებულება. მომსახურების უხარისხობა დადასტურებული უნდა იყოს შესაბამისად უფლებამოსილი ორგანოს (პირის) დასკვნით.

7. მომსახურების მიღება-ჩაბარების წესი

7.1. მომსახურების მიღება წარმოებს ეტაპობრივად მიღება-ჩაბარების აქტის (მათ შორის შუალედური) სახით.

7.2. მიღება-ჩაბარების აქტი (მათ შორის შუალედური) ფორმდება ფაქტობრივად გაწეული მომსახურების შესაბამისად, წერილობითი ფორმით, მხარეთა უფლებამოსილი წარმომადგენლების ხელისმოწერით, ხელშეკრულების პირობების კონტროლის განმახორციელებელი პირის დადებითი ინსპექტირების დასკვნის საფუძველზე.

8. ანგარიშსწორება

8.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა- ლარი;

ბ) ანგარიშსწორების ფორმა- უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;

გ) დაფინანსების წყარო- 2024 წლის სახელმწიფო ბიუჯეტიდან მიღებული ასიგნებები.

8.2. შემსყიდველი იღებს ვალდებულებას ანგარიშსწორება მოახდინოს შესაბამისი შესრულების დამადასტურებელი დოკუმენტების, მხარეთა შორის გაფორმებული მიღება-ჩაბარების აქტის (მათ შორის შუალედური) და შემსყიდველის მხრიდან, საქართველოს საგადასახადო კანონმდებლობით გათვალისწინებული შესაბამისი საგადასახადო დოკუმენტაციის დადასტურებიდან 10 (ათი) სამუშაო დღის განმავლობაში.

8.3. შემსყიდველი უფლებამოსილია, ხოლო მიმწოდებელი თანახმაა ხელშეკრულების პირობების დარღვევის გამო დაკისრებული პირგასამტეხლოს თანხა (ასეთის არსებობის შემთხვევაში), გამოქვითოს ყოველი მიღება- ჩაბარების აქტის საფუძველზე, მიმწოდებელზე გადასარიცხი თანხიდან და გადარიცხოს მიმწოდებლის სახელით სახელმწიფო ხაზინის შესაბამის სახაზინო კოდეზე.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულებისმე-11 მუხლის შესაბამისად.

10. ხელშეკრულების პირობების შეუსრულებლობა

10.1. წინამდებარე ხელშეკრულების 4.1 პუნქტის „ა“-„ე“ ქვეპუნქტებით გათვალისწინებული პირობების დარღვევის შემთხვევაში, ან არაჯეროვნად შესრულების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.07%-ის ოდენობით.

10.2. წინამდებარე ხელშეკრულების 5.2 და 6.3 პუნქტებით გათვალისწინებული პირობების დარღვევის შემთხვევაში, ან არაჯეროვნად შესრულების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.07%-ის ოდენობით.

10.3. წინამდებარე ხელშეკრულების 8.2 პუნქტით გათვალისწინებული პირობების დარღვევის შემთხვევაში, მიმწოდებელი უფლებამოსილია, შემსყიდველს დააკისროს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.07%-ის ოდენობით.

10.4. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს, შემსყიდველს უფლება აქვს ცალმხრივად შეწყვიტოს ხელშეკრულება.

10.5. პირგასამტეხლოს გადახდა არ ათავისუფლებს მხარეებს ხელშეკრულებით ნაკისრი ძირითადი ვალდებულებების შესრულებისგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

11.2. პრეისკურანტში მომსახურების/საქონლის რომელიმე ერთეულის არარსებობისას, აღნიშნული ობიექტის ერთეულის ფასი, მისი შესყიდვის აუცილებლობისას, დადგინდება საბაზრო ფასის გათვალისწინებით შემსყიდველი ორგანიზაციისა და მიმწოდებლის შეთანხმებით, რაზეც გაფორმდება შეთანხმების ოქმი ხელშეკრულებით დადგენილი ფორმით, რომელშიც მიეთითება: სათანადო ნაწილების, საცხებ-საპოხი მასალების და მომსახურების ჩამონათვალი, როდენობა/მოცულობა, ერთეულის ფასი დღგ-ს გათვალისწინებით, საერთო ფასი დღგ-ს გათვალისწინებით და საგარანტიო ვადა. ასეთ შემთხვევაში პრეისკურანტში შესაბამისი მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

11.3. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს ქ. თბილისის საქალაქო სასამართლოს.

13. ხელშეკრულების შეწყვეტა

13.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

ხელშეკრულება ძალაში შედის მხარეთა ხელმოწერის თარიღიდან და მოქმედებს 2025 წლის 31 იანვრის ჩათვლით, საგარანტიო ნაწილში ხელშეკრულების მე-5 მუხლით განსაზღვრული ვადით.

15. ფორს-მაჟორი

15.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, სახელმწიფო ბიუჯეტიდან მიღებული ასიგნებების მკვეთრი შემცირებით და სხვა.

15.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია ქართულ ენაზე და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების მოთხოვნის შესაბამისად.

17. მხარეთა რეკვიზიტები:

შემსყიდველი სსიპ - საქართველოს ეროვნული არქივი მისამართი: ქ.თბილისი, ვაჟა-ფშაველას გამზ.№1 ტელეფონი: 238-14-25 საბანკო რეკვიზიტები: ბანკის კოდი : TRESGE22 სახელმწიფო ხაზინა ანგ.№: GE24NB0330100200165022 ს/კ - 211358957	მიმწოდებელი
--	------------------------

პრეისკურანტი